

Финляндия мусулмонлари етакчиси юртимизда



18:43 / 21.09.2023 1727

2023 йил 21 сентябрь куни Ўзбекистон мусулмонлари идораси раиси, муфтий Нуриддин домла Холиқназар Финляндия мусулмонлари жамоаси бош имоми Рамиль Беяев бошчилигидаги делегацияни қабул қилдилар.

Учрашувда муфтий ҳазратлари меҳмонларни ташриф билан қутлаш баробарида сўнгги йилларда юртимиздаги диний-маърифий ислоҳотлар, Фатво маркази фаолияти, Ҳаж-умра ишлари, Қуръони Карим курслари, масжид-мадрасаларни обод этиш ва диний таълимни ривожлантириш борасида қилинаётган ишлар ҳақида маълумот бердилар...

Рамиль Беляев Финляндияга Ислом дини кириб келиши, ривожланиши ва охирги пайтларда мўмин-мусулмонлари сони ошиб бораётгани ҳақида сўзлаб берди. Шунингдек, у икки мамлакат дин пешволарининг ҳамкорликлари узоқ тарихга бориб тақалиши, ўтган асрнинг 60-йилларида икки давлат уламолари сафарлар уюштирганларини фото суратлар ёрдамида баён қилди.

Мулоқотда томонлар диний-маърифий, илмий-тадқиқот, диний таълим ва масжидлар фаолиятини ривожлантириш йўналишида ўзаро ҳамкорлик қилиш масалаларини ҳам муҳокама қилдилар.

Меҳмонлар муфтий Нуриддин Холиқназар ҳазратларини Финляндияга Ислом дини кириб келиши юбилей санасига бағишланган маросимга таклиф этди.

Учрашув дўстона ва самимий руҳда ўтди.





